



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Quòd gehennæ ignis corporeus esse credendus sit. lxxxix.

urn:nbn:de:hbz:466:1-10722

D. BURCHARDI EPIS. VVORMAC.

De apostatis spiritus quod incorporei credendi sint.

Caput LXXXVIII.

*Ex dialo
go Greg.* **D**ic quæso te, apostatas spiritus à cœlesti gloria deiectionis, corporeos an incorporeos esse suspicaris? Petr^{us}. Qui sanè sapiens, esse spiritus corporeos dixerit?

Quod gehennæ ignis corporeus esse credendus sit.

Caput LXXXIX.

*Ex dialo
go Greg.* **G**ehennæ ignem esse corporeum an incorporeum fatēris? Petrus. Ignem gehennæ corporeum esse non ambigo, in quo corpora certum est cruciari.

De hoc quod scribitur Deum nemo vidit vnquam, & qualiter illud intelligendum sit. Cap. XC.

*Grego. in
suis mora
lib^o dicit.* **D**eum nemo vidit vnquam. Rursumque cū testamenti veteris patres intueor, multos horum teste ipsa sacræ lectionis historia Deum vidisse cognosco. Vidit quippe Iacob dominum, & ait: Vidi dominum facie ad faciem, & salua facta est anima mea. Vidit Moyses dominum: de quo scriptum est. Loquebatur dominus ad Moysen facie ad faciem, sicut loqui solet homo ad amicum suum. Vidit Iob dominum qui dicit: Auditui auris audiui te, nunc autem oculus meus videt te. Vidit Esaias dominum qui ait: Anno quo mortuus est rex Ozias, vidi dominum sedentem super solium excelsum, & eleuatum. Vidit Micheas dominum qui dicit: Vidi dominum sedentem super solium suum: & omnem exercitum cœli astantem ei à dextris, & à sinistris. Quid est ergo quod tot testamenti veteris patres Deum se vidisse testati sunt, & tamen de hac sapientia quæ Deus est dicitur: Abscondita est ab oculis omnium viuientium, & Ioannes ait, Deum nemo vidit vnquam: Nisi hoc quod patenter datur intelligi, quia quādiu hic mortaliter viuatur, videri per quasdam imagines Deus potest, sed per ipsam naturæ suæ speciem non potest: vt animā gratia spiritus afflata, per figuram quādam Deum videat, sed ad ipsam vim eius essentia non pertingat? Hinc est enim quod Iacob qui Deum se vidisse testatur: hic non nisi angelum vidit. Hinc est quod Moyses qui cum Deo facie ad faciem loquitur, sicut loqui solet homo ad amicum suum, inter ipsa verba suæ locutionis dicit: Si inueni gratiam in cōspectu tuo, ostēde mihi temetipsum.